



**R.P. Leonardii Lessii E Societate Iesv Theologi. In D.  
Thomam De Beatitudine. De Actibus Hvmanis. De  
Incarnatione Verbi. De Sacramentis Et Censbris.  
Prælectiones Theologicæ Posthvmæ**

**Lessius, Leonardus**

**Lovanii, 1645**

Art. 1. Vtrum in Christo sint duæ voluntates.

---

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

*Potuit existere in rerum naturâ per diuinam existentiam?*

*soluitur.* Respondeo, Quia existentia non supponit rem constitutam in rerum natura, & in ratione entis actualis; sed ipsamet constituit illam in eo statu: vnde est inseparabilis ab illa, quodammodo illa manet res creata in rerum natura existens. Sicut omnis forma est inseparabilis à re, quodammodo manet eius effectus formalis. Subsistens autem est modus essentiæ, supponens illam constitutam in rerum natura, solumque illam modificat: talis autem modus separari potest, & nisi quid aliud obsteret, aliunde suppleri.

*2. Obiectio.* Dices Secundò, In Christo est tantum vnicum esse; vt docet D. Thomas: ergo tantum vna existentia: ergo &c.

*soluitur.* Respondeo, In Christo est tantum vnum esse, scilicet completum, seu vnum esse personale; vt sapè D. Thomas expressè additum huc, tum q. 1. a. 1. ad. 4. hoc autem est esse increatum. Accedente autem natura humana, solum huic esse accedit quædam relatio; vt inquit D. Thomas.

*3. Obiectio.* Dices Tertiò, Quia alioquin Christus haberet duo esse substantia; ac prōinde esset simpliciter duo: quod est falsum.

Respondeo, Concedo Christum habere duo *soluitur.* esse substantialia; sed alterum completem, nempe esse diuinum; alterum secundum se incompletum, nempe esse humanum, quod tamen per diuinam hypostasim completetur. Non tamen ideo Christus est duo; nam est vna hypostasis, imo & vnam ens sine imperfectione compositum. Non possunt autem dici duo, nisi sint duo supposita; vt supra dictum est.

Dices Quartò, Si humana natura in Christo haberet suam existentiam creatam, vno diuinæ naturæ cum humana esset accidentaria, non substantialis: quidquid enim aduenit enti in actu, facit vnum per accidentem.

Respondeo, Solùm sequitur non esse vniensem *soluitur.* essentialem quā fit vna natura: non autem substantialē quā fit vna persona. Nam ad vniensem substantialē fatis est, vt ad aliquod substantialē complementum duo vniantur: quomodo etiam membra corporis inter se vniuntur. Atqui Verbū diuinum ita se coniunxit humana natura, vt daret illi formaliter complementum substantialē, efficeretque vnum subsistens perfectē, supplendo quod debeat ad perfectam subsistentiam hominis.

## Q V A E S T I O X V I I I .

### De Voluntate Christi.

*In Sex Articulos diuisa.*

#### ARTICVLVS I.

*Vtrum in Christo sint duas Voluntas?*

*i. Varijs ha-  
refessore  
Christum.* R Espondetur Affirmatiæ, In Christo esse duas Voluntas.  
Notandum est, Præter eos qui in Christo tantum vnam naturam esse dicebant, qui etiam necessariò vnam dumtaxat ponebant voluntatem, vt sunt Cerinthus, Ebion, Carpocrates, Photinus, Paulus Samosatenus; qui tantum humanam naturam Christo tribuebant: Itē Valentinus, Cerdon, Marcion, Manichæus, Apollinaris, Eutyches, qui veram humanam natura in Christo negabant: fuisse alios hereticos, qui duas quidem naturas, humanam & diuinam faterentur in Christo; tamē negabant duas voluntates, maximè quoad actus, sed solam ponebant diuinam: vnde dicti sunt Monothelitiæ. Incepit autem horum error circa annum 630. à Cyro Alexandrinô Episcopo, vt inquit Damascenus lib. de heresis sub finem; quem fecutus est Sergius Episcopus Constantinopolitanus, & aliquot eius successores per annos 50. & Macharius Antiochenus. Quidam putant Honorium I. qui illis temporibus erat Pontifex Romanus, in eodem errore fuisse. Ita Canus lib. 6. de locis cap. 8. & alij plurimi recentiores & Doctores Scholastici. Sed multò verius est Honorium numquam in hoc errore fuisse: imo valde probabile est nullum vnamquam Romanum Pontificem fuisse hereticum; quod benè defendit Albertus Pighius lib. 4. Eccles. hierarch.

*Monotheli-  
tis vnam  
solam in  
Christo  
ponebant  
voluntas;*

*Honorius  
Papa vi-  
dicante.*

cap. 8. & lib. 6. cap. 11. & Bellarminus controversiā de Pontifice.

Quia verò hi heretici ponebant in Christo voluntatem diuinam; nobis tantummodo probandum est in ipso etiam fuisse voluntatem humana, tam quoad actum, quam quoad potentiam. *Sunt duas* *in Christo* *voluntas.* *tes.*

Probatur ergo Primò, Ex Scripturis: Matthœi 26. v. 39. Non sicut ego volo, sed sicut tu. Lucæ 22. v. 42. Non mea voluntas, sed tua fiat. Ioan. 6. v. 38. Nō veni facere voluntatem meam, sed eius qui misit me. Quibus locis distinguit Dominus suam voluntatem à voluntate Patris: loquitur enim de actu voluntatis humanae, non ab soluto, sed conditio nato & ineffaci: atqui voluntas diuina Christi non erat distincta à voluntate Patris: ergo præter diuinam habebat aliam. Deinde ad Philip. 2. v. 8. & ad Rom. 5. v. 19. & ad Hebr. 5. v. 8. trahitur Christo obedientia: atqui obedientia est actus voluntatis creatæ.

Probatur Secundò hæc veritas ex Concilijs: *Ex Concil.* Quia definita est in VI. Synodo Generali quæ expressè contrà hunc errorem est congregata; vbi actione 4. eadem veritas copiosè probatur ex Scripturis & Patribus in epistola Agathonis Papæ. Definita etiam est in Concilio Lateran. sub Martino I. à can. 10. vñque ad 17.

Probatur Tertiò Ratione. Primò, Quia Christus perfectam naturam humanam assumpsit; vt supra q. 2. & 6. ostensum est: ergo non caruit voluntate. Nam hæc vis naturaliter comitatur animam rationalem, sicut & intellectus. Quod si potentiam, etiam actum habuit; cùm nulla sit *Tripli-  
ratio.*

Ii iiiij ratio,

ratio, cur eo debuerit carere. Secunda, Si in Christo propter unicam personam, esset unica voluntas; in Trinitate, propter tres personas, essent tres voluntates; ergo quod voluntas sit una vel plures, ex natura non ex personâ estimatur. Ita Agatho Papa in Epist. sua. Tertia, Quia sine voluntate creata non potest esse meritum, nec satisfactio, nec oratio, nec obedientia: hæc enim omnia sunt actus voluntatis creatae.

## ARTICVLVS II.

*Vtrum in Christo fuerit Voluntas  
Sensualitatis: id est, Appen-  
titus Sensitius?*

**R**espondetur affirmatiuè. Ratio est; Quia Christus habuit perfectam Animam: ergo omnes animæ potentias. Atqui inter ceteras animæ potentias est appetitus sensitivus, qui nobis cum brutis est communis ad bona sensibilia appetenda, & mala his contraria fugienda.

## ARTICVLVS III.

*Vtrum in Christo fuerint duas Vo-  
luntas Rationales?*

**R**espondeo; Si voluntas accipiatur pro potentia, tantum unica voluntas rationalis est. Naturæ & vtilitatis ratione. Quædam enim sunt bona, quia consentanea naturæ, & vita, bene esse, sapientia, & familia. Quædam mala, quia naturæ dissensanea, & mortis, cruciatus, &c. Respectu horum bonorum & malorum, est voluntas naturalis; diciturque natura. Nam naturaliter afficitur huiusmodi bonis, & abhorret à talibus malis. Sic Christus voluntate naturali fugiebat mortem, & appetebat vivere; non quod iste motus in Christo præueniret iudicium rationis, aut erumperet necessariò; sed quia voluntas sibi relictæ, naturaliter & necessariò abhorret à morte, & afficitur vita. Alia sunt bona vel mala, quia consentanea vel dissensanea rectæ rationi: & respectu horum dicitur voluntas rationalis. Hac voluntate volebat Christus mori, quamvis naturali fugeret mortem. Vide quæ diximus 1.2. q. 6. a. 1. de Duplici acceptione Voluntatis, & ibid. q. 10. a. 1. Quomodo mouetur Voluntas quæ natura, & Voluntas quæ Voluntas.

**Duplicis  
generis vo-  
luntas & ma-  
teria.**

**Fuit in  
Christo vo-  
luntas na-  
turalis.**

**Item Vo-  
luntas Ra-  
tionalis.**

**In quo  
consistat  
libertas  
arbitrii.**

## ARTICVLVS IV.

*Vtrum in Christo fuerit Liberum  
Arbitrium?*

**R**espondetur Affirmatiuè. Ratio est; Quia in ipso fuit electio, quæ est actus liberi arbitrii.

Pro Maiori explicatione, suppono Primo, Li-

bertatem arbitrij consistere in quadam indifferenti potestate voluntatis, secundum quam, ipsa in omni instanti, tum temporis, tum naturæ, quo consideratur ut prior suo actu, est indifferens ad illum, ita ut possit illum elicere & non elicere. Vnde quidquid voluntatem praeviendo determinat ad actum, repugnat libertati, si illam determinationem voluntas non habeat in sua potestate. De quo plura 1. 2. quæst. 6. art. 2. Dub. 1. in Disput. Apologetica de gratia efficaci & libero Arbitrio c. 5.

Suppono Secundò, In Christo non fuisse liberum Arbitrium ad peccandum: quod patet ex dicto <sup>ad peccatum</sup> &is suprà q. 15. a. 1. dub. vñico, vbi ostendimus <sup>est imperio</sup> Christum nullo modo potuisse peccare in natura assumpta. Ratio est; Quia libertas quatenus se extendit ad peccatum, non est perfectio, sed imperfectio; vt docet Augustinus lib. de Corrupt. & gratia cap. 11. & de Prædestinat. Sanctorum c. 15. Nam præcisè consilium in negatione, scilicet in eo quod est non esse suam regulam, nec sua regula necessariò coniunctum. Atqui hæc imperfection non erat in Christi voluntate: hac enim erat firmissimè coniuncta sua regule, scilicet voluntati diuina; partim per visionem & amorem beatificum; partim per diuinam custodiā debita illi ob unionem hypotheticam. His positis

Respondeo, Christum habuisse verè & propriè libertatem in suis actionibus, quas salutis nostræ <sup>Fuissimus liber</sup> causa obiuit: v.g. in orando, docendo, miraculis <sup>in actionibus</sup> faciendis, imò & in ipsa morte amplectenda. Eft <sup>dus nostra</sup> fidie tenendum: & consentiunt omnes Doctores.

Probatur ex Scripturis. Isaïæ 7. v. 15. Butyram & mel comedet, vi sciat reprobare malum, & eligere bonum: vbi Cyrilus notat, reprobare malum fuisse Christo naturale, non ex electione; sed voluntatem bonorum, ex electione liberâ: electione enim est actus liberi arbitrii. Isaïæ c. 53. vers. 7. Oblatus est, quia ipse votum: qui modus loquendi in Scriptura libertatem significat; vt ibidem notat D. Hieronymus. Ioan. 10. v. 18. Nemo tollit animam meam à me, sed ego pono eam à meipso, & potestatem habeo ponendi eam: vbi aperte indicat esse in ea potestate animam ponere eo momento quo ipsa videretur; nec illa vi eam posse sibi extorqueri; vt docet Chrysostomus hom. 59. in Ioan. Vice etiam Gregor. lib. 24. moral. c. 2. Et Anselm. I. Cur Deus homo. cap. 9. & 10. vbi id fusè & eleganter probat; & lib. 2. cap. 15. 16. 17.

Probatur Secundò, Ratione. Primo, Quia aliqui Christus non posset mereri, nec pro nobis satisfacere: nam de intrinsecâ ratione meriti, est libertas; vt ostensum est 1. 2. q. 114. Secundò, Quia libertas circa honestâ, est magna perfectio naturæ rationalis: vnde etiam in Angelis & Deo reperitur. Atqui in Christo fuit omnis perfectio humana natura: ergo &c.

Sed contra hanc veritatem, sunt quatuor difficiles Objectiones. Prima est ex prædefinitione diuinâ: Omnes enim actiones Christi videntur à Deo fuisse prædefinitæ cum suis omnibus circumstantijs: Nam hic modus prouidentiae est altior. Quod confirmatur ex D. Thoma lib. 4. contra Gentes cap. 36. vbi ait: Christus humana voluntate nihil voluit, nisi secundum quod eum velle diuina voluntas dispositus; iuxta illud: Ioan. 8. v. 29. Quæ placita sunt ei, facio semper.

Respondeo, Quidam nobis tales prædefinitiones ob